



ad fo sēn yet būmb ninga la f boond n tūgdē wā be neere, la fo sā n da kō tōnd kibare, tū tōnd sēn da maan tūum ningā tara yaafa

Yi a Ibn Abaas nengē, (Wēnd yard be b yiibā yīnga): Ad neb sēn yi lagem-n-taarā rāmbē, b rag n yūme n ku la b wūsg kuubā, la b yo la b wūsg yoobā, tū b wa a Muhammad nengē, (Wēnd pūusg la A tūlgr be a yīnga), n yeele: " ad fo sēn yet būmb ninga la f boond n tūgdē wā be neere, la fo sā n da kō tōnd kibare, tū tōnd sēn da maan tūum ningā tara yaafa, d na kē dīinā, tū Aayarā na n sigi {Bāmb la neb nins sēn pa boond soab zēng n lagem Wēnde, la b pa kuud yōor ning Wēnd sēn gīdgā rēndame tū tūu ne hake, b leb n pa yood ye, la ned ning sēn tūm woto, a na n paama sūbgre} [Al-furkaanu: 68]. La leb n sigi: {Yeele: "Mam yembs nins sēn maan n zūug b mens zugu! Ra wāag-y tēeb ne Wēnd yolsgā ye, ad Wēnd yaafda zūnuubā zānga, ad Yēnda la yaafg Naab n yaa Yoalsda"}. [Az-zumarū: 53].

[Naşon Şahihon (Gom-sikdem sēn manege)] [B zemsə taab a zugu (A Al-Buhaariy la a Muslim n reeg-a)]

Raop sēn yi kīfr-rāmbē wā, n wa Nabiyaamā nengē (Wēnd pūusg la A tūlgr be a yīnga), la b ra beega wūsgo sēn yaa kuub la yoobo, tū b wa yeel Nabiyaamā; ad fo sēn boond n tūgdē wā, sēn yaa līslaangā la līslaangā sēn sagend yēl ninsā yaa būmb sēn yaa sōma, la tōnd halhaar na n yū wāna ne d sēn maan tūumd ninsā sēn yaa lagem-n-taar la zūnuub bedā? Rē yīnga yaafg be a pūgē bū? Tū Aayaē-rāmb a yiibā na n sigi, rēnd Wēnd reega nebā tuubgu, sēn lagem ne b zūnuubā sēn da yaa wūsgo, n da yaa bedrā, la sā n rag ka A sēn maan woto wā, b rag na n kell n duuma b lagem-n-taarā la b kedgrā pūgē la b rag n ka na n kē dīin-kāngā pūgē ye.

<https://sunnah.global/hadeeth/mos/show/65071>

